

مجموعه ابو الضحی

ماسوا شایسته شدن دلی تطهیر به چالش
بر تو حکمت و عرفان ابله تنویر آتش

هر ماه عربی ابتدای سیه اون بشده نشر اول نور فنون مجموعه سیدر

جزو ۳۹ [فی غره صفر سنه ۱۳۰۲] نسخه سی ۳ غروش

اولدینگی ارائه ایتمکده ولوحه نك بالاسنده ايسه خط جلی ايله « يامغه
صاچلارك محظوری » عباره سی محرر بولمقده ایدی .

بر برك بولوحه دن مأمول ایتدیكى تأثیر تخمینندن زیاده حصوله کیشدر .
زیرا لوحه نك تعلیقندن بر مدت مرورنده قارشیدسنده کی پروقه جینك دکانی
طاوسامغه و صاچلرینی اوز اتوب بیجمه قویق ایستیانلر بر بر دکانه دوامه
باشلامش ایدی . فقط آرهدن چوق کچمدن پروقه جی دخی دکانك اوستنه
بر لوحه تعلیق ایلدی . باخصوص بولوحه بر برگکی یولده حیالی بروقه یی
دکل وقوعات تاریخیه دن بر حادثینی تصویر ایتمکده ایدی . چونکه لوحه ده
حضرت داؤدك کندیسنه عصیان ایدن اوغلی آبالونك پدریله ایتدیکی
محرابه ده مغلوب اولسی اوزرینه فرار ایدرکن داخل اولدینی بر اورمانده
اوزون صاچلرینك آغاچلارك طاللرینه ایلشیه رك آصیلوب قالمش اولدینی
مصور وبالاسنده دخی « اگر باشنده یامغه صاچ بولمخش اولسه ایدی! . . . »
سوزی محرر ایدی .

فقط پروقه جی اومدینی تأثیری کورمدکن بشقه یواش یواش پروقه یه
اولان رغبت ناس دخی بالکلیه برطرف اوله رق ینه خلق طیبی صاچلریله
تزینه عودت ایلدی .

اسکندرلک طیبی

غرائق کچیدنن آز مدت صگره اسکندر (سندوس) نهرینك
میاه منجمده سنده ترلی اولدینی. حالده استحمام ایتدیکی متعاقب کندوسنی
بر رعشه حی استیلا ایتمش و معنی خلقی طرفندن مشار الیه بر میت متحرک
حائنده خیمه سنه نقل ایدلمش ایدی .
قهرمان بو وجهله بین الحیاة والممات بر حال بحران ایچنده سرکردان

و عموماً اردو خلقی متبوعارینک دقیقه بدقیقه موته تقریبی حس ایتمه لرندن طولانی دوجار خوف و خجنان بولندیغی صرهدده [دارا] دخی عسا کر کلیه ایله اسکندرک پیش عزمنه طوغری ایروملکده ایدی .

اسکندرک بر صورت سریعه ده اعاده عافیت ایتملکنی الزم عد ایدن جنراللری اطبایی بر مشورت طیهیه دعوت ایلدیکی حالده ترتیب اولنه جق علاج سریع التأثير اوزرینه اتفاق اطبا حاصل اوله مامش ایدی . فقط ایچلرنده عهد صباوتندن بری اسکندرک محب صادق و مصاحب خاصی اولان [آقارنان] لی فیلیپوس اسمنده بر طیب اطبای سائرهنک اعتراض و مخالفتیه وجود و یرمیه رک بر دوای برالساعه اعطاسنی درعهده ایله ترتیبیه مباشرت ایتش ایدی .

بو صرهدده اسکندره (پارمینیون) نامنده کی جنرالندن برمکتوب وارد اوله رق آنده ایسه طیب فیلیپوسک دارا طرفندن خفياً اطماع ایلدیکی و بناءً علیه فیلیپوسدن احتراز ایتملکی اخطار اولنش ایدی .

اسکندر مکتوبی قرائتله مآلنه مطلع اولدیغی و هنوز انده طوتدیغی دقیقه ده طیب دخی علاج قدحیله ایچری کیره رک اسکندره «بونک مرارتندن اورکیه رک دفعه ایچک» دیمه سیله مشار الیه تردد و هیجانه بدل بر طور اطمئنان ایله برالنه طاسی آله رق ایرککسزین ایچمکه باشلادیغی حالده دیگر الیه ده مکتوب معهودی فیلیپوسه اعطا ایشلدر .

طیب مکتوبی بعد المطالعیه فوق الغایه متأثر اولش ایسه ده اوده اصلا رنک تأثر کوسترمیدیکی کبی تأمیناته دخی لزوم کورمیه رک یالکر «یور» غانگری چکوب ظهور ایده جک تره تحمل ایدیگر «قولیله مکتوبی بر اقوب چادر دن طیشاری چیقشدر .

مکتوبک اخبار مدهشه سی آن واحده ده اردو ایچنده شایع اولدیغی کبی خسته دخی علاج ایله علتک یکدیگری پنجه تغلبه المی اوزره باشلادقلری مبارزه دن طولانی بر بحران عظیمه مبتلا اوله رق کنیسنندن یکمش

و باران بلا کی تر دو ککه و سختدن زیاده موت علاماتی کو سترمه باشلامش
اولسندن هر کس طیبیک اهانتیه حکم ایدرک انتقام آلفه قالقشمش ایدی .
فقط خالقك حاصل ایتدیکی هیمان غیظ آلوده و اسکندرک دم بدم
آرتقمده اولابحرانه قارشی طیب اعتدال دمله نتیجه انتظار ایتکده ایدی .
نهایت مبادرت ایتدکاری حریده علت دوايه مغلوب اولغله یواش یواش
اسکندرک طورنده علامت صحت نمایان اولغله باشلامش و براز صکره بتون
بتون اعاده عافیت ایدرک یتاغندن قالقشدر .

§

اسکندرک وقایع حیاتیه سندن اولان شوفره ایچنده شایان اعتبار
برماده وارسه اوده دوستلغه اولان اعتمادی و دوست اولوق اوزره قبول
ایتدیکی برآدمدن اوله بر فصل ملعونانهك صدورینه احتمال ویرمیشی در .
یوقسه جان جو مردلکی و یا جسارت قلبیه ابرازی کی برطور حیقانه دکلدر .
ادبای حکمان ژان ژاق روسونک آتیده کی حکایه سی قصه محبوبه نك
مختلف صورته و هر کسك عقول وادرا کنه کوره تقدیر اولنه ییلدیکنی اثبات
ایتمکده در .

روسو درکه : « چو جقارینک حسن اخلاق و تربیه سنه اعتنا ایله مألوف بررئسه
عائله نزدنده برقاج کون وقت کچیرمک اوزره کویه کش ایدم .
برصباح صاحبه الیتک هنوز علوم ابتدائیه نی تحصیلده بولسان ایلک
چو جوغنگ درسده حاضر بولندم .
چو جوغه تاریخ قدیمی لایقيله اوکرتمش اولان مربی اسکندرک احوال
خصوصیه سندن بحث آچهرق طیب فیلیک بالاده حکایه اولنسان علاجنه
نقل مقال ایش ایدی . براز صکره سفریه اوطورلدقده فرانسز اصولی
اوزره چو جوق لافرنلکده بولنغه ضناً تشویق اولنمش ایدی . اوسنده
اولان برمعصومک نشو ونمای طبیعیه و هر سوز سویلدکجه انتظار ایلدیکی

آلشارک تصویرى چوجوغى بشقه ملترده (عارسز) ديه حکم ايتديره جک
تقوهاتده بولنديريور ايدى . بوکوزه لککر صره سنده واقعا آغزندن تحصيل
سايه سنده کسب تقويت ايدن ذکاسنه دلالت ايديهيله جک بعض کلمات دخى
فرلامقده ايدى . نهايت بحث ينه اسکندر ايله طيبه انتقال ايتمندن
چوجوق فقره مجوئيه اصلا کککليه رک کوزل بر بولده تقرر ايدى . بناء
عليه والده سنک بدأ ايتديکى واوغنک دخى انتظارنده بولندينى اتيه لر ،
تقدير لر ، آفرينار ايجه اسراف ايدلکدن صکره فقره نک ماهيتى اوزرينه بيان
افکار و مطالعه يه باشلاندى . حضارک اکثريسى اسکندرک بو حرکتى تقيج
ايتديکى کي بعضيسى و باخاصه مربي جنابلى مشاراليهاک جسارتنى تحسین
ايتکده ايدى .

جريان ايدن سوزلردن وقعه نک لطافت حقيقه سنه حضاردن
هچ برينک واصل اوله مديقتى آکلادم . طعامدن قالقدق . کچ شا کردک
الدين طوته رق تنهاجه باغچه يى طولاشغه باشلادق . بو ائشاده اسکندر ايله
علاج فقره سندن نه حکم چيقاريله يکنى آکلایه جنى بر لسانله کنديسندن
سؤال ايلدم . آکلادم که اسکندرک ابراز ايتديکى اطوار قهرمانانه يه هر
کسدن زياته حيران اولمش ايدى . فقط بيلىر ميسگر بو شجاعتى زرده
کوريوردى . هندستانه قدر سفر ايتمکى کوزه آلوبده هر مانعه مقاومت
ايدن او قوجه جنرالک بلا مخالفت او آجى علاجى بر صولقده ايچيشنده
کورمکده ايدى .

مکر بيماره چوجوغه اون بش کون اول ویرلش و هزار وعد
و وعيد ايله ايجرلش اولان بر شربتک مرامت طعمى حالا دماغنده
محسوس ايمش .